

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj: 67/18

Sarajevo, 05.07. 2018. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj: **67/18** od 21.06.2018. godine, u postupku javne nabavke br. **67/18 - " Hidromehanička oprema za tehnološke objekte vodovodnog sistema"** donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj **67/18** za nabavku roba : "**Hidromehanička oprema za tehnološke objekte vodovodnog sistema**" " iz razloga **jer nijedna od primljenih ponuda nije prihvatljiva**, čime su se stekli zakonski uslovi za poništavanje postupka javne nabavke a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici: www.viksa.ba, u skladu sa članom 70. stav 6. Zakona o javnim nabavkama a stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: **67/18** od 23.05.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi 100.000,00 KM.

Obavještenje o nabavci broj: 247-1-1-126-6-202/18 je poslato na objavljivanje na Portal javnih nabavki dana 28.05.2018. godine.

Komisija za javnu nabavku imenovana je Rješenjem br. 18-12-01/17 od 04.06.2018 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj **67/18** od 23.05.2018. godine.

Komisija za javnu nabavku dostavila je dana 28.06.2018.g. Preporuku o poništenju postupka javne nabavke roba: –, "**Hidromehanička oprema za tehnološke objekte vodovodnog sistema**" – tender broj **67/18**

Komisija za javnu nabavku je sačinila odgovarajuće zapisnike u kojima je utvrđeno sljedeće:

Da je ukupan broj pristiglih ponuda : 1 (jedna) ponuda – " Bihexo" d.o.o Sarajevo

- Da je blagovremeno zaprimljena: 1 (jedna) ponuda – " Bihexo" d.o.o Sarajevo

Komisija je konstatovala da dostavljena ponuda ponuđača „Bihexo“ d.o.o. Sarajevo, ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahtjevana kvalifikaciona dokumentacija	„Bihexo“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačkama od a) do d) Zakona o javnim nabavkama – Aneks IV; Prilog 3.	DA
2.	Tačka: 14.1 TD: Izjava o ispunjenosti uslova iz člana 47. stav (1) tačka a) i (4) Zakona o javnim nabavkama –Aneks V; Prilog 4.	DA
2.1	Tačka: 14.1 TD: Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Komisija konstatuje da ponuđač „Bihexo“ d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

RB	Ostala zahtjevana dokumentacija/aneksi-prilozi	„Bihexo“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA
2.	Tačka: 16 TD: Obrazac za ponudu – Aneks II; Prilog 1.	DA
2.1	Tačka: 16 TD: Popis dokumenata uz ponudu koji čini sadržaj ponude – Aneks II, Prilog 1.	DA
3.	Tačka : 16 TD pod 7.1) : Ostalo traženo u TD Original ili ovjerena fotokopija (ovjerena kod nadležnog organa - Sud, Opština ili notar) jednog od važećih evropskih ispitnih certifikata od proizvođača, kao dokaz kvaliteta za antikorozivnu zaštitnu oblogu na bazi epoksidne smole za teške uslove rada za sve nuđene proizvode od nodularnog liva prema RAL GZ- 662: GSK ili ekvivalent (za stavke pod rednim brojevima od 1 do 15 iz Tehni. specifikacije-Prilog 8)	DA
4.	Tačka :16 TD pod 7.2) : Ostalo traženo u TD Original ili ovjerena fotokopija (ovjerena kod nadležnog organa - Sud, Opština ili notar) jednog od važećih evropskih certifikata od proizvođača, kao dokaz kvaliteta nuđenog proizvoda prema standardu	DA

RB	Ostala zahtjevana dokumentacija/aneksi-prilozi	„Bihexo“ d.o.o. Sarajevo
	EN 1074-3, izdatih od strane nadležnih europskih prijavljenih tijela "NANDO" baze ili ekvivalent (za stavke pod rednim brojevima od 1 do 8 iz Tehničke specifikacije-Prilog 8)	
5.	Tačka :16 TD pod 7.3) : Ostalo traženo u TD Original ili ovjerena fotokopija (ovjerena kod nadležnog organa - Sud, Opština ili notar) jednog od važećih europskih tipskih ispitnih certifikata od proizvođača, kao dokaz kvaliteta nuđenog proizvoda prema standardima: EN 1074-1 i EN 1074-2, te testnim osnovama: „DVGW VP 363-(P)“, izdatih od strane nadležnih europskih prijavljenih tijela "NANDO" baze, kao što su: "DVGW" ili "SVGW" ili "ÖVGW" ili "KIWA" ili ekvivalent (za stavke pod rednim brojevima od 9 do 12 iz Tehničke specifikacije-Prilog 8).	DA
6.	Tačka :16 TD pod 7.4) : Ostalo traženo u TD Original ili ovjerena fotokopija (ovjerena kod nadležnog organa - Sud, Opština ili notar) jednog od važećih europskih certifikata od proizvođača, kao dokaz kvaliteta nuđenog proizvoda prema standardu EN 1074-4, izdatih od strane nadležnih europskih prijavljenih tijela "NANDO" baze. (za stavke pod rednim brojevima od 13 do 15 iz Tehničke specifikacije-Prilog 8)	DA
7.	Tačka :16 TD pod 7.5) : Ostalo traženo u TD Original ili ovjerena fotokopija (ovjerena kod nadležnog organa - Sud, Opština ili notar) jednog od važećih europskih certifikata o ispitivanju od proizvođača, kao dokaz mikrobiološke ispravnosti probnog uzorka gume, kao i dokaz mikrobiološkog testnog izvještaja za zaštitne premaze na bazi epoksidne smole, a koji su u direktnom kontaktu sa pitkom vodom, prema "DVGW W-270" ili "UBA KTW" ili "ACS" ili ekvivalent (za stavke pod rednim brojevima od 1 do 15 iz Tehničke specifikacije-Prilog 8)	DA
8.	Tačka :16 TD pod 7.6) : Ostalo traženo u TD Tehnički list proizvoda od proizvođača sa iskazanim tehničkim podacima, standardima, nacrtima.	DA
9.	Tačka: 20 TD: Obrazac za cijenu ponude – Aneks III; Prilog 2.	Izvršena ispravka u specifikaciji koja nije urađena u skladu sa zahtjevima tenderske dokumentacije
10.	Tačka: 31 i 36 TD: Nacrt ugovora o javnoj nabavci - Prilog 7.	DA
11.	Tačka: 43 TD: Povjerljive informacije – Prilog 6.	DA

Pregledom ponude ponuđača „Bihexo“ d.o.o. Sarajevo, konstatovano je da je isti u dostavljenoj specifikaciji, koja je sastavni dio obrasca za cijenu ponude, izvršio ispravku koja nije urađena u skladu sa zahtjevima iz tačke 17.1.5 tenderske dokumentacije „Ispravke u ponudi“.

Naime, izvršena je ispravka u koloni 7. specifikacije „Kataloška oznaka“ za stavku pod rednim brojem 6. „Međuprirubnička leptir nepovratna klapna DN 150, PN 16“, na način da je korektorom prekrivena ranija kataloška oznaka i preko nje napisana nova kataloška oznaka, ali ista nije potvrđena potpisom ponuđača i nema datuma izvršene ispravke. Izvršena ispravka nije urađena na zahtijevani način odnosno ponuđač prilikom vršenja ispravke nije postupio u skladu sa postavljenim zahtjevima iz tačke 17.1.5 tenderske dokumentacije „Ispravke u ponudi“, koja jasno i precizno određuje način vršenja ispravki i to : „*Ukoliko*

ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda ("Službeni glasnik BiH", br. 90/14, 20/15)".

Obzirom na navedeno, Komisija je utvrdila da ponuda ponuđača „Bihexo“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te daje preporuku Ugovornom organu – ovlaštenom licu ugovornog organa da za predmetnu nabavku roba : „**Hidromehanička oprema za tehnološke objekte vodovodnog sistema**“ – tender broj 67/18 donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a



v.d Direktor

Azra Muzur

Azra Muzur, dipl.inž.građ

*belus l.
egivan.
Muzur*